



20 მაისი, 2026 წელი

ბრძანება №01-02/90

**ბსუ-ს პროფესიული მომზადების/პროფესიული გადამზადების პროგრამის
მსმენელთან გასაფორმებელი ხელშეკრულების ფორმის დამტკიცების შესახებ**

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „პროფესიული განათლების შესახებ“ საქართველოს კანონის, „პროფესიული მომზადების პროგრამისა და პროფესიული გადამზადების პროგრამის განხორციელების უფლების მოპოვებისა და სახელმწიფოს მიერ აღიარებულად ჩათვლის წესისა და პირობების დამტკიცების თაობაზე“ საქართველოს მთავრობის 2019 წლის 15 მარტის №131 დადგენილების, „პროფესიული მომზადების პროგრამისა და პროფესიული გადამზადების პროგრამის შემუშავებისა და დამტკიცების წესის განსაზღვრის თაობაზე“ საქართველოს განათლების, მეცნიერების, კულტურისა და სპორტის მინისტრის 2019 წლის 26 მარტის №59/ნ ბრძანების, „ბსუ-ს პროფესიული საგანმანათლებლო პროგრამების, პროფესიული მომზადებისა და პროფესიული გადამზადების პროგრამების ხარისხის უზრუნველყოფის მექანიზმების დამტკიცების შესახებ“ ბსუ-ს რექტორის 2019 წლის 29 ნოემბრის №01-02/198 ბრძანების, ბსუ-ს პროფესიული მომზადების და პროფესიული გადამზადების პროგრამების შემუშავებისა და განხორციელების წესის დამტკიცების შესახებ“ **ბსუ-ს რექტორის 2019 წლის 05 დეკემბრის №01-02/202 ბრძანების**, „ბსუ-ს პროფესიული მომზადების/პროფესიული გადამზადების პროგრამების განმახორციელებელ პერსონალთან გასაფორმებელი შრომითი ხელშეკრულების ფორმების დამტკიცების შესახებ“ ბსუ-ს რექტორის 2026 წლის 24 აპრილის №01-02/78 ბრძანების (რომლითაც ძალადაკარგულად იქნა ცნობილი „ბსუ-ს პროფესიული მომზადების/გადამზადების საგანმანათლებლო პროგრამების განმახორციელებელ პერსონალთან და მსმენელთან გასაფორმებელი ხელშეკრულების ფორმების დამტკიცების შესახებ“ ბსუ-ს რექტორის 2020 წლის 23 ოქტომბრის №01-02/136 ბრძანება, მათ შორის ბრძანების №2 დანართი - მსმენელთან გასაფორმებელი ხელშეკრულების ფორმა) საფუძველზე,

ვბრძანებ:

1. **დამტკიცდეს** ბსუ-ს პროფესიული მომზადების/პროფესიული გადამზადების პროგრამის **მსმენელთან გასაფორმებელი ხელშეკრულების ფორმა**, წინამდებარე ბრძანების №1 დანართის შესაბამისად.
2. ბრძანება განთავსდეს ბსუ-ს ვებგვერდზე (ველებში - იურიდიული ცნობარი/საუნივერსიტეტო ნორმატიული აქტები/რექტორის ბრძანებები და პროფესიული პროგრამების მართვისა და უწყვეტი განათლების ცენტრის რეგულაციების ველში).

3. ბრძანება დაეგზავნოს ბსუ-ს რექტორის მოადგილეებს, ხარისხის უზრუნველყოფის სამსახურს, ადმინისტრაციის ხელმძღვანელს, საფინანსო-ეკონომიკურ დეპარტამენტს, იურიდიულ დეპარტამენტს, პროფესიული პროგრამების მართვისა და უწყვეტი განათლების ცენტრს, საინფორმაციო ტექნოლოგიების სამსახურს, საქმისწარმოების სამსახურს (კანცელარია).
4. ბრძანება ძალაშია ხელმოწერისთანავე.
5. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. №30).

ბსუ-ს რექტორი



ტიტე აროშიძე

„ბსუ-ს პროფესიული მომზადების/პროფესიული გადამზადების პროგრამის მსმენელთან
გასაფორმებელი ხელშეკრულების ფორმის დამტკიცების შესახებ“
ბსუ-ს რექტორის 2026 წლის 20 მაისის №01-02/90 ბრძანების

დანართი №1

ხელშეკრულება №

ქ. ბათუმი

-----, --- წელი

ერთი მხრივ, საჯარო სამართლის იურიდიული პირი - ბათუმის შოთა რუსთაველის სახელმწიფო
უნივერსიტეტი (შემდგომში - „ბსუ“ ან „უნივერსიტეტი“), წარმოდგენილი ბსუ-ს რექტორის
_____ მიერ და მეორე მხრივ,
_____ (შემდგომში - „მსმენელი“), ვთანხმდებით შემდეგზე:

მუხლი 1. ხელშეკრულების საგანი და ზოგადი დებულებები

1.1. ხელშეკრულების საგანია მსმენელის მიერ ბსუ-ს პროფესიული
მომზადების/პროფესიული გადამზადების პროგრამაზე „-----“
-----“ (შემდგომში - „პროგრამა“) სწავლასთან
დაკავშირებით მხარეთა სამართლებრივი ურთიერთობის რეგულაცია.

1.2. „პროგრამა“ ხორციელდება საქართველოს კანონმდებლობის, ბსუ-ს რექტორის ბრძანებით
დამტკიცებული „ბსუ-ს პროფესიული საგანმანათლებლო პროგრამების, პროფესიული
მომზადებისა და პროფესიული გადამზადების პროგრამების ხარისხის უზრუნველყოფის
მექანიზმების“ (შემდგომში - „პროგრამის ხარისხის მექანიზმები“) და ბსუ-ს რექტორის ბრძანებით
დამტკიცებული „ბსუ-ს პროფესიული მომზადების და პროფესიული გადამზადების
პროგრამების შემუშავებისა და განხორციელების წესის“ (შემდგომში - „პროგრამის
განხორციელების წესი“), ასევე „პროგრამის“ განხორციელებასთან/სასწავლო პროცესთან
დაკავშირებით გამოცემული ბსუ-ს მართვის ორგანოთა სხვა აქტების საფუძველზე.

1.3. წინამდებარე მუხლში აღნიშნული სამართლებრივი აქტები: „პროგრამის ხარისხის
მექანიზმები“, „პროგრამის განხორციელების წესი“, „ბსუ-ს შინაგანაწესი“, სხვა სამართლებრივი
აქტები, რომლებიც ეხება „პროგრამაზე“ სასწავლო პროცესს ან/და აწესრიგებს მხარეთა შორის
სამართლებრივ ურთიერთობას, წარმოადგენს წინამდებარე ხელშეკრულების განუყოფელ
ნაწილს.

1.4. ბსუ-ს შინაგანაწესით განისაზღვრება (რეგულირდება): ა) ბსუ-ში შრომითი
ურთიერთობის მარეგულირებელი დებულებები (თავი II); ბ) ბსუ-ში სიცოცხლის,
ჯანმრთელობისა და შრომითი საქმიანობისათვის უსაფრთხო გარემოს და ჯანსაღი პირობების
შესახებ ზოგადი დებულებები, მათ შორის ყოველგვარი დისკრიმინაციის, შევიწროების (მათ
შორის სექსუალური შევიწროების) და სიძულვილის ენის გამოყენების აკრძალვის წესი (თავი
III); გ) უნივერსიტეტის სტუდენტის, პროფესიული სტუდენტის, მსმენელის წახალისება და
დისციპლინური პასუხისმგებლობის საკითხები (თავი IV); დ) ბსუ-ს მატერიალურ-ტექნიკური,
საინფორმაციო და საბიბლიოთეკო რესურსებით სარგებლობის და ხელმისაწვდომობის წესი
(თავი V).

მუხლი 2. მხარეთა უფლებები და ვალდებულებები

2.1. მხარეთა უფლებები და ვალდებულებები განისაზღვრება საქართველოს კანონმდებლობით, ბსუ-ს შინაგანაწესით, ეთიკის კოდექსით, ბსუ-ს პროფესიული მომზადების/გადამზადების პროგრამის განხორციელების შესახებ ბსუ-ს მართვის ორგანოთა სამართლებრივი აქტებით (მათ შორის წინამდებარე ხელშეკრულების 1.3. პუნქტში აღნიშნული რეგულაციებით) და წინამდებარე ხელშეკრულებით.

2.2. მსმენელი ადასტურებს, რომ ამ **ხელშეკრულების ხელმოწერამდე გაეცნო** წინამდებარე ხელშეკრულებაში აღნიშნულ, ბსუ-ს ვებგვერდზე (www.bsu.edu.ge) განთავსებულ ბსუ-ს რეგულაციებს (მათ შორის ბსუ-ს ეთიკის კოდექსს, ბსუ-ს შინაგანაწესს, ბსუ-ში პერსონალურ მონაცემთა დაცვის პოლიტიკას, ასევე პროგრამას, რომელზეც უნდა ისწავლოს) და **იღებს ვალდებულებას:**

ა) შეასრულოს შესაბამისი პროფესიული მომზადების/პროფესიული გადამზადების პროგრამის მოთხოვნები, მიიღოს პროგრამის სასწავლო პროცესში მონაწილეობა;

ბ) გაუფრთხილდეს უნივერსიტეტის ქონებას, არ დაუშვას უნივერსიტეტის შენობის, სასწავლო ინვენტარის, კომპიუტერული ტექნიკის და უნივერსიტეტის მფლობელობაში არსებული სხვა ქონების დაზიანება ან/და უდიერად მოპყრობა;

გ) გაეცნოს უნივერსიტეტის სამართლებრივ აქტებს (განთავსდება უნივერსიტეტის ვებგვერდზე - www.bsu.edu.ge ან/და გაეგზავნება მსმენელს ელფოსტაზე ან/და განთავსდება პროფესიული პროგრამების მართვისა და უწყვეტი განათლების ცენტრის საინფორმაციო დაფაზე);

დ) შეასრულოს ამ ხელშეკრულების პირობები, ბსუ-ს ეთიკის კოდექსის და შინაგანაწესის მოთხოვნები, ასევე საქართველოს კანონმდებლობით ან/და ბსუ-ს სამართლებრივი აქტებით განსაზღვრული სხვა ვალდებულებები.

2.3. მსმენელის უფლებებია:

ა) წინამდებარე ხელშეკრულების გაფორმებამდე (ხელმოწერამდე) გაეცნოს ამ ხელშეკრულებაში აღნიშნულ რეგულაციებს (სამართლებრივ აქტებს) და პროგრამას;

ბ) მიიღოს პროგრამის შესაბამისი და ხარისხიანი საგანმანათლებლო მომსახურება, მათ შორის პროგრამის განმახორციელებელი პერსონალისგან მიიღოს კონსულტაციები პროგრამის შინაარსზე, შეფასების კომპონენტებზე, შეფასების გასაჩივრების მექანიზმებზე ან/და პროგრამის განხორციელების/სასწავლო პროცესის საორგანიზაციო საკითხებზე;

გ) მოითხოვოს ცოდნის სამართლიანი შეფასება და დადგენილი წესით გაასაჩივროს შეფასების შედეგი;

დ) პროგრამის მოთხოვნების შესრულების (პროგრამაზე სწავლის დასრულების), მსმენელის სწავლის შედეგის მიღწევის შეფასებისა და დადასტურების შემთხვევაში, მიიღოს საქართველოს კანონმდებლობით დადგენილი ფორმის შესაბამისად შევსებული სერტიფიკატი და სერტიფიკატის დანართი;

ე) პროგრამაზე სწავლის მიზნით ისარგებლოს უნივერსიტეტის ინფრასტრუქტურით, მატერიალურ-ტექნიკური, საბიბლიოთეკო, საინფორმაციო და სხვა რესურსებით, ჯანმრთელობისა და სიცოცხლისათვის უსაფრთხო გარემოში;

ვ) ისარგებლოს საქართველოს კანონმდებლობით და ბსუ-ს რეგულაციებით მინიჭებული უფლებებით.

2.4. „უნივერსიტეტის“ უფლებებია:

ა) განსაზღვროს პროგრამაზე სწავლის განრიგი, მათ შორის შეფასების ჩატარების წესი და დრო, შეიტანოს ცვლილებები სწავლის საორგანიზაციო პროცედურებში (შესაბამისი ცვლილების შესახებ მსმენელის ინფორმირებით);

ბ) არ გასცეს მსმენელზე პროგრამის გავლის დამადასტურებელი სერტიფიკატი და სერტიფიკატის დანართი, თუ მსმენელი არ შეასრულებს პროგრამის მოთხოვნებს და ამ ხელშეკრულების პირობებს;

გ) დაამუშაოს მსმენელის პერსონალური მონაცემები, „პერსონალურ მონაცემთა დაცვის შესახებ“ საქართველოს კანონის და „ბსუ-ში პერსონალურ მონაცემთა დაცვის პოლიტიკის“ მოთხოვნათა დაცვით, ამ ხელშეკრულებაში აღნიშნული საგანმანათლებლო საქმიანობის ფარგლებში კანონიერი საჭიროების და მსმენელის თანხმობის გათვალისწინებით.

2.5. „უნივერსიტეტი“ ვალდებულებებია:

ა) უზრუნველყოს პროგრამის სასწავლო პროცესი, შესაბამისი პერსონალით და მატერიალურ-ტექნიკური ბაზით;

ბ) შეუქმნას მსმენელს პროგრამის გავლისათვის (სწავლისათვის) შესაბამისი პირობები (გააცნოს პროგრამის შინაარსი, სასწავლო ცხრილი, პერსონალი, რეგულაციები) და უზრუნველყოს ჯანმრთელობისა და სიცოცხლისათვის უსაფრთხო გარემოში სწავლის პირობები;

გ) პროგრამის გავლის/ათვისების შედეგების გათვალისწინებით და ამ ხელშეკრულების პირობების დაკმაყოფილების შემთხვევაში გასცეს მსმენელზე სერტიფიკატი და სერტიფიკატის დანართი, საქართველოს კანონმდებლობისა და ბსუ-ს რეგულაციების მოთხოვნათა დაცვით.

მუხლი 3. სწავლის საფასური, ხელშეკრულების მოქმედების ვადა და მსმენელის სტატუსის შეწყვეტა

3.1. პროგრამაზე სწავლის საფასური განისაზღვრება საქართველოს კანონმდებლობის შესაბამისად, ბსუ-ს მართვის ორგანოს სამართლებრივი აქტით (-----).

3.2. მსმენელის სწავლის საფასური შესაძლებელია დაფინანსდეს საქართველოს კანონმდებლობით დადგენილი წესით.

3.3. წინამდებარე ხელშეკრულება ძალაშია პროგრამაზე მსმენელის ჩარიცხვის ბრძანების გამოცემიდან (მსმენელის სტატუსის მოპოვებიდან) და მოქმედებს ამ პროგრამაზე სწავლის განმავლობაში, მსმენელის სტატუსის შეწყვეტამდე.

3.4. მსმენელის სტატუსის შეწყვეტის საფუძვლებია:

ა) პირადი განცხადება;

ბ) შესაბამისი პროგრამაზე სწავლის დასრულება;

გ) შესაბამისი პროგრამით გათვალისწინებული სწავლის შედეგების მიუღწევლობა;

დ) გარდაცვალება;

ე) საქართველოს კანონმდებლობით, ბსუ-ს შინაგანაწესით, ეთიკის კოდექსით ან/და „**პროგრამის განხორციელების წესით**“ გათვალისწინებული სხვა შემთხვევა.

მუხლი 4. მსმენელის პერსონალური მონაცემების დამუშავება

4.1. მსმენელი (მონაცემთა სუბიექტი) აცხადებს თანხმობას, „პერსონალურ მონაცემთა დაცვის შესახებ“ საქართველოს კანონის და „ბსუ-ში პერსონალურ მონაცემთა დაცვის პოლიტიკის“ მოთხოვნათა დაცვით დამუშავდეს მისი პერსონალური მონაცემები (სახელი, გვარი, პირადი ნომერი, ელფოსტის მისამართი, ტელეფონის ნომერი, რეგისტრაციის/საცხოვრებელი მისამართი, ფოტო, სამუშაო ადგილი და პოზიცია (ასეთის არსებობის შემთხვევაში), პროგრამაზე სწავლის პროცესში ჩატარებული შეფასების შედეგები (ასეთის არსებობის შემთხვევაში), პროგრამაზე დასწრების, სერტიფიკატის/სერტიფიკატის დანართის დამზადებისა და გაცემის შესახებ ინფორმაცია), პროგრამის მსმენელის სტატუსის მოპოვების, ჩარიცხვისა და პროგრამის სასწავლო პროცესის, საგანმანათლებლო მომსახურების გაწევასთან დაკავშირებული სამართლებრივი ურთიერთობის მიზნებისათვის.

4.2. მსმენელი ადასტურებს (აცხადებს), რომ ინფორმირებულია მისი პერსონალური მონაცემების შენახვის ვადების თაობაზე, კერძოდ, მისი პერსონალური მონაცემები დამუშავდება და შეინახება მსმენელის სასწავლო პროცესთან დაკავშირებული (საგანმანათლებლო მომსახურება) სამართლებრივი ურთიერთობის პროცესში მონაცემების დამუშავების ლეგიტიმური მიზნის მისაღწევად აუცილებელი დროით, ბსუ-ს სამართლებრივი აქტებით და საქართველოს კანონმდებლობით განსაზღვრული ვადით და წესით.

4.3. მსმენელი (მონაცემთა სუბიექტი) აცხადებს, რომ ინფორმირებულია მონაცემთა სუბიექტის უფლებების შესახებ, რაც მათ შორის გულისხმობს უფლებამოსილებას, მიიღოს ინფორმაცია მის შესახებ ბსუ-ს მიერ დამუშავებულ მონაცემებზე, მოითხოვოს მათი გასწორება, განახლება, დამატება, დაბლოკვა, წაშლა ან განადგურება, თუ აღნიშნული მონაცემები არასრულია, არაზუსტია, არ არის განახლებული ან მათი შეგროვება და დამუშავება განხორციელდა „პერსონალურ მონაცემთა დაცვის შესახებ“ საქართველოს კანონის მოთხოვნათა დარღვევით.

მუხლი 5. დასკვნითი დებულებები

5.1. საკითხები, რომლებიც არ არის განსაზღვრული წინამდებარე ხელშეკრულებით, რეგულირდება საქართველოს კანონმდებლობისა და ბსუ-ს სამართლებრივი აქტებით.

5.2. ამ ხელშეკრულებაში ცვლილება ან დამატება შეიძლება შეტანილ იქნეს მხოლოდ მხარეთა წერილობითი შეთანხმებით. ცვლილებები ან დამატებები ამ ხელშეკრულების განუყოფელი ნაწილია და ძალაში შედის მხოლოდ მხარეთა ხელმოწერის შემდეგ.

5.3. წინამდებარე ხელშეკრულება შედგენილია ქართულ ენაზე, ორ ეგზემპლარად, რომელთაგან თითო ეგზემპლარი გადაეცემა თითოეულ მხარეს.

5.4. ამ ხელშეკრულებაში აღნიშნული რომელიმე რეკვიზიტის შეცვლის შემთხვევაში, შესაბამისი მხარე ვალდებულია უმოკლეს ვადაში წერილობით აცნობოს ხელშეკრულების მეორე მხარეს.

5.5. „მხარეთა რეკვიზიტები და ხელმოწერები:

„უნივერსიტეტი“

საჯარო სამართლის იურიდიული
პირი-ბათუმის შოთა რუსთაველის
სახელმწიფო უნივერსიტეტი

(მისამართი: ქ. ბათუმი,
რუსთაველის/ნინოშვილის ქ. №32/35;
ბსუ-ს ვებგვერდი - www.bsu.edu.ge.

ელფოსტა: info@bsu.edu.ge

**ბსუ-ს პროფესიული პროგრამების
მართვისა და უწყვეტი განათლების ცენტრი**

(მისამართი: ქ. ბათუმი, ლეონიძის ქ. №15;
ელფოსტა - vocational@bsu.edu.ge)

ბსუ-ს რექტორი

(ხელმოწერა)

„მსმენელი“

სახელი, გვარი _____
პირადობის მოწობის № _____
პირადი № _____

ფაქტობრ. მისამ. _____
რეგისტრ. მისამ. _____

ტელეფონი _____
ელფოსტა _____

მსმენელის ხელმოწერა

მსმენელის კანონიერი წარმომადგენლის
(მშობელი/მეურვე/მზრუნველი)
ხელმოწერა
